



續輯

奏摺

江西
巡撫劉坤一

奏爲續修江西省通志以紹文獻恭摺具陳仰祈

聖鑒事竊志乘一書爲紀載所關卽爲治化所係查江西

省通志修於雍正八年迄今一百四十餘年之久尙

未續修其間庶務之沿革損益與夫人才豐嗇物產

盈虛民俗厚薄華樞幾至茫無所考各府州縣志書

亦多修於乾隆嘉慶年間代遠事湮難於徵引且以

兵燹之後公私文卷散失今昔情形不同而軍務之

始終地方之完備以及忠義節孝之行均須撰述昭示來茲臣興官紳孰商僉謂必不可緩隨經調集各府州縣舊志以資採輯在於省城設立續修通志總局即以司道董理局務於八年十一月初五日開辦延請在籍紳士三品京堂銜翰林院修撰劉繹前大理寺卿李聯琇道銜前掌京畿監察御史輔方蔚等以爲纂修忝酌各省通志凡例分開別類尙屬詳畧得宜並刊發各府州縣飭令查照章程延請名宿各將舊志以後事蹟妥速採訪送省備纂即一面續修

本處新志期與通志一律告成臣惟有會督官紳殫竭心力蒐羅務廣俾毋濫而毋遺考覈宜精庶可傳而可信除俟事竣恭繕正本敬呈

御覽所有續修通志緣由謹會同兩江總督臣馬恭摺具奏伏乞

皇太后

皇上聖鑒訓示謹

奏

重脩會昌縣志序

國系地無偏孔子曰十室之邑必有
忠信教化行而人材奮人材奮而風
俗成會邑建於宋之太平興國志
始於明之成化迄今千百年間政

治民俗日新月異而人物聲一興
功名氣節文章故事與夫婦
女之節孝貞烈匹夫之玉性
代不絕也幾亞豫章巨邑說
者謂地邊則民氣強悍土瘠

則人解禮義會崩潤粵之交
風土習俗得天地陽氣之偏顧
剛勁尚義能公戰不為私闖土
產所入身布帛菽粟以出飛
潛動植小民莫不土物心臆汲

汲焉免浮飽之慮夫民無賢不
肖視上之治之者何如余權
斯土幾三稔專院義學倉穀
育嬰与都人士次第興修上年
爰奉脩志之檄設局延紳將

事搜羅往牒采访蹟閱一
年而成於是會邑志凡六條矣
至中沿革廢興利弊乘除上
之天時下之人事至是而粲然
備豈余之不吝是任也哉願未

竊有感焉。賴郡為昔賢之
化之地。宋明理學。自稱龍門。積
石流風。餘韻猶存。存者往者
。皆逆時張。江省郡縣大半淪
陷。獨會昌以斗大孤城。危守邊

陲。而示下。尚是時。雖婦人小子。莫
不敵愾。同仇。取義。舍生。而予。豈
強毅。不撓之氣。與民風相。絡
古。耶。抑之。涵濡。於

國家之教化者。深也。夫志者。識

也張弛之跡得失之林也地何以
 另險易年何以有市凶民何以
 有秀頑俗何以有奢儉彰注
 察才教在偏以補在示及因在
 利以導於道然漸被漏洩庶

督修

署 會 昌 縣 知 縣 劉長景

纂修

會 昌 縣 儒 學 教 諭 陳良棟

訓 導 王 驥

踏 勘 城 鄉 水 陸 營 隘

牟 角 營 都 司 揭鴻陞

城 守 汛 把 總 鄧廷彪

查 勘 四 至 水 陸 邊 界

系三 卷 芳名

二

鈞門司

巡檢

典史

俞如槐

李樹彤

管理局務

現任上猶縣教諭

舉人

曾雲藻

副貢生

潘尙志

拔貢生

鄭炳輝

四品封

職鄒徵彥

恩貢生

張汝霖

歲貢生

蕭郁文

幾与三代同風此則美愧焉
 而未遑者也志之修夫豈
 徒侈美備乎哉是為序
 署會昌縣事題補靖安
 縣知縣楚南劉長景撰

同治十一年冬月

穀旦



采訪勸捐

教職

鄭顯視

廩貢生

胡作培

廩生

歐陽玲

廩生

王執中

廩生

李垂勳

廩生

劉慶安

附貢生

曾雲燭

附貢生

謝名嶧

附貢生 劉文輔

附貢生 劉數峯

邑庠生 歐陽增

邑庠生 陳光泗

管張

監生 文光斗

續修縣志跋

同治八年 大中丞劉 奏請續修江西通志并將新定
條例刊發各府州廳縣一律續修九年夏 邑侯劉明府
傳集邑紳設局采訪詳定起局事宜延余監修余慮筆墨
荒蕪再辭不允乃與邑紳諸君共襄厥事謹查會邑志乘
修於道光二年其中條例次序大致與新章同惟

聖諭一條漏未叙刊今謹遵新章彙編卷首至

御製詩文及金石文字等項現為邑中缺典容俟續增於是公

同妥議即照前志逐條接叙不特舊板具存可省工資而

編次亦易於成功矣是役也經始於九年五月越明年冬告成其殫精畢慮編集成書者則恩貢生張君兩三歲貢生蕭君監二是也其細心檢查補其遺漏正其次序者則副貢生潘君芝山教職鄭君葆田廩膳生王君輔商是也至於稽查全局出納則四品封職鄒君冠亭是資焉謹守筭齋矢公矢慎而不致濫費者則太學生文君朗垣是賴焉分地採訪不殫劬勞則學內廩增附生之公正無私者各任其責焉然非劉明府之知人善任措置得宜亦安能弊絕風清成功若此其速哉王驥謹跋

會昌縣志目錄

奏摺

序文

凡例

輿圖說

輿圖

首卷

上諭

卷一



星野

卷二

沿革

卷三

形勢

卷四

城池 疆域附

卷五

山川

卷六

水利

卷七

學校

卷八

公署

卷九

書院

卷十

田賦 戶口附 屯務附

卷十一

風俗

土習 飲食 衣服 音樂 歌謠 每月村市賽會
農事 嗜好 女工 工役 商賈

卷十二

土產

卷十三

兵衛 漕運附

卷十四

武事

卷十五

關津 橋渡附

卷十六

驛鹽

卷十七

古蹟

卷十八

封爵

目錄

卷十九

秩官

卷二十

選舉

卷二十一

各宦

卷二十二

人物 名宦 宦業 理學 儒林 文苑 處士
忠義各自為類 孝友同類 善士

卷二十三

寓賢

卷二十四

列女 節孝 節婦 節烈
貞女 烈女

卷二十五

仙釋

卷二十六

方技

卷二十七

祥異

卷二十八

祠廟

卷二十九

塋墓

卷三十

寺觀

卷三十一

藝文

卷三十二

雜記

凡例

一省頒採訪事宜內以境中名勝之區曾經宸游題詠及簪纓之冑舊頒

御製詩文者均宜鈔錄恭載卷端謹查會邑僻壤偏陬未荷翠華之臨幸又乏清門巨室珍藏

寶翰以留貽計自開局連年訪求已徧獨惜是方漏澤採輯無由暫缺首條期諸異日

一舊志分爲三十二卷各以類附悉遵通志之例惟

上諭一條未曾恭錄茲查出疊次頒發通行之



詔旨謹列篇首外其餘各門一仍舊貫

一江右素稱澤國農田皆資水利茲遵新例凡有支河山泉詳載名目及源流出入之所灌漑何處一一註明又境內有險無隄安瀾久慶其偶爲患者皆山溪暴漲所致非由河隄之決也

一建置自道光二年修志後如本邑城垣南甕城各門樓學宮文昌宮文武公署書院義學育嬰堂養濟院暨各處寺觀或修或建或改移他所俱爲詳叙緣由俾後有考按年分之久暫以時整葺

一武事專誌地方軍務歷


本朝二百餘載惟咸豐間用兵最久武功亦最著髮逆圍城屢境十次各鄉辦團設局多年城池獲全實資人事故於寇蹤之出沒禦敵之方畧詳誌始末附以遺聞雖失之繁董傳其實庶使後人省覽知所遵循當亦守土之一助也

一選舉內有由庠入貢監者康熙董志俱已登載而乾隆間戴志削之道光二年所修仍行取入茲仍其舊至於例貢例監以及雜職人員非身經出仕者不載

一通志人物門內首名臣次宦業皆指本邑而言與職官門之名宦迥別舊志誤認爲一己乖體例復查邑紳出仕者近多教職雜員餘惟在籍候選州縣未及經綸展布克配斯稱用改宦業爲鄉宦以期名實相副

一列女向分孝婦節婦烈婦三等比年各處採訪竟得七百餘名人數既多似涉於濫頗幽光潛德正待表揚且閨中競賦栢舟尤見風俗之美用是全行登載以誌一時之盛

一通志章程於藝文門內兼收書籍金石二條博采既殷大成斯集但邑士平時專務舉業僅工應制之作經術古學向非所習歷訪耆儒家罕著述卽其先世偶有遺藁近俱燬於兵燹至於碑碣鐘鼎可備文獻之遺各處搜求歷年無獲舊志缺載大率由斯又此次所登詩文凡有關於地方者始入選餘則各人手筆間取一二云一邑志凡經六修自道光二年至今事蹟甚繁近因軍務頻興民間益多忠義節烈爰率紳士四處搜羅誓秉大公勿存私見克成五十餘年之信史庶乎徵文備獻者有所資焉



會昌縣輿地圖說

一縣城東西北三面據河南依土岡週迴五百一十三丈

七尺五寸高二丈週圍堦口八百二十五箇砲口一十

七箇爲門五東曰雙清西曰麗澤南曰鎮湘北曰臨清

東南隅曰清華東門之北舊有門今塞上有魁星樓西

門之南有樓曰西閣又羊角營城東南北三面據河西

依山週迴三百五十步高一丈三尺共週圍堦口五百

六十四箇爲門三東曰通湘西曰鎮遠南曰嚮明

一贛標分防羊角營都司一員外委一員額外一員額設

兵丁二百五十名分防會昌城守把總一員城守兵三十三名又分防西門及珠蘭舖洛口來龍司背水塘防兵各五名羊石塘官豐塘盤古隘塘防兵各五名又分防長甯縣把總一員外委一員城守兵三十一名又白石塘外委一員防兵十九名吉潭澄江塘防兵各十名實在存羊角營差操兵一百零七名以上據營中開送實數

一東路出東門過步雲橋東南行三里至水東又五里至

梨壁山

又五里至古坊

又東北行六里至小塘坪

又五

里至

三車嶼

又五里至

高牙

又東行偏南五里至

土橋

又過橋東南行五里至

歸村

又東行偏南五里至

富商

又東南行五里至

光山

又五里至

板坑自此分路南行五里半塘又五里

逕又五里小沙又五里半逕又五里出石塘又五里白下又五里赤管又五里分水塘又五里合蓮葉湖鄭屋

堤又五里至

余屋嶼

又五里至

短龍烟

又五里至

天心

又四里至

大乾隘

與福建武平縣交界自縣城至此七

十三里距武平縣之臘口墟二十里

一西路出南門南行十里至

風雨亭

又西行偏南八里至

白石廟下

又三里至

白石廟

又六里至

石門又西行偏

北五里至

三峯

又西南行五里至

大磔

又六里至長山

又三里至

蛇背

又西行偏北五里至

菴塲地

又西南行

四里至

東坑

又五里至

山口

又五里過小河至

高排墟

又六里至

南逕坑

又二里至

茶亭

安遠縣交界自縣城

至此七十三里距安遠縣治一百一十五里

一南路出南門東南行二里至

林岡埧

又四里至

打石岡

又五里至

大魚潭

又西南行五里至

沙河

又二里過小

河至

借樂亭

又南行偏東四里至

觀音巖

又南行偏西

四里至

茶下

又二里至

麻洲墟

又東行過河三里至

茶

亭 又西南行五里至

小河背

又過小河東南行三里至

觀音廟

又四里至

來龍塘

又南行五里至

石角亭

又五

里過小河至

河子口

又四里至

杉塘墟

又五里至

又西南行五里至

水口江

又南偏東四里至

錫福亭

又

過小河七里至

倚風亭

又西南行三里至

暫息亭

又東

南行過小河五里至

當田埧

又六里至

百埠墟 又五里

過小河至

黃竹頭

又西南行十里至

筠門嶺

又過河即

河口

又南行偏東三里至

黃沙嶺

又南行五里至

烏石

又西南行七里至

朱村

又南行偏東四里至

壩前嶺

又

又西南行七里至

朱村

又南行偏東四里至

壩前嶺

又

五里至 石螺盆 又三里至 盤古隘 與長甯縣交界自縣城至此一百三十四里距長甯縣治六十五里

一北路出北門東北行過渡五里至 黃坊 又五里至 五里

又西北行七里至 火珠石 又五里至 白竹坳 又三里至

雞婆窩 又八里至 牛角灣 又三里至 石頭逕 又三里至

五里山 又北行五里至 蘭陂橋 又五里至 師姑橋 又西

北行五里至 河岡 又過河東北行五里至 西江墟 又東

行偏北五里至 雙江 又東行五里至 黃安墟 與甯都州

瑞金縣交界自縣城至此六十九里距瑞金縣之黃安

新墟五里 ○ 查黃安墟有二老墟屬會昌新墟屬瑞金

北去即黃安巖雷公嶂與瑞金之九堡毘 連 又自西江墟過河西行五里至 白石坳 又西北行八

里至 牛屎灣 又北行六里至 野雞嶺 又六里至 茶亭 又

六里至 小密墟 與甯都縣交界自縣城至此九十里距

甯都縣之天心橋五里

一東南路自南路之黃竹頭分路東南行五里至 黃沙塘

又東行三里至 坦平亭 又十里至 山梓腦 又五里至 野

鴨塘 又南行五里至 大牛嶺 又南行偏東六里至 營坊

又西南過河三里至 沙洲坵 又南行二里至 羊角營 又

五里至 羅塘墟 又東南行五里至 禾絲山 又東行十里

至 白雲山嶼 又東行偏北十里至 車湖 與福建武平縣

交界自縣城至此一百六十六里距武平縣治六十里

又自南路之大魚潭分路過渡東南行五里至 陂塘 又

南行七里至 廟角灘 又東南行七里至 新茶亭 又七里

至 馬廟逕 又五里至 稜頭 又五里至 高坑山 又四里至

雷田 又五里至 三叉嶼 又三里至 案背 又五里至 源下

園 又五里至 連葉湖 又五里至 鄭崖垵 又五里至 烏鴉

泊 又六里至 一寮 又南行五里至 佛嶺下 又東南行五

里至 小礫 又五里至 羊石墜 與武平縣交界自縣城至

此一百里

一西北路出西門過渡至 關帝廟 又西北行五里至 水西

垵 又四里至 水滸廟 又六里至 松岡嶼 又過河五里至

珠蘭舖 又五里至 杉口 又六里至 大西垵 又五里至 龍

子洲 又四里至 禾坑口 又過渡西行偏北六里至 鷺鷥島

埠 又六里至 通衢祠 又七里至 新渡 又過渡三里至 舉

口 又五里至 大埠勝 又四里至 嶺下 又西行五里至 老

屋場 又西行偏南六里至 寡婦嶼 又南行五里至 河

逕 又西行五里至 隘上 與零都縣交界 自縣城至此九十二里距零都縣治八十里

又自禾坑口分路北行偏西四里至 新墟 又北行五里至 下蘆口 又六里至 坵背 又過小河五里至 洛口塘 又

五里至 老墟 又三里至 古城 又西北行三里至 龍化 又

過渡三里至 葫蘆角 又北行偏東四里至 小坵 又北行

偏西四里至 店前 又四里至 白鸞塘 又東北行五里至

九坵 又八里至 會昌峽 與零都縣交界自縣城至此九十九里

按此地雖鄰零都而自會昌峽以下山嶺險峻無路可通

又自洛口塘分路東北行五里至 大坵 又四里至 木梓

山 又北行四里至 崙下 又五里至 中坵坵背 又五里至

半逕 又東北行六里至 蓮塘 又五里至 永豐堡 又六里

至 小密墟 與零都縣天心橋交界自縣城至此一百里

一西南路自南路之水口江分路過渡西南行五里至 山

下 又六里至 抖坑塘 又五里至 絲竹塘 又五里至 湖墩

墟 又四里至 龍河塘 又五里至 下營 又五里至 安安亭

又六里至桐廬 又六里至大黃沙 又六里至石門 又五

里至清溪墟 與安遠縣交界自縣城至此一百二十五

里距安遠縣治七十里

一東北路出北門東北行過渡五里至黃坊 又五里至五

里排 與瑞金縣交界自縣城至此十里距瑞金縣治七

十里

一縣境東至大乾隘七十三里西至南逕坑茶亭七十三

里計廣一百四十六里南至盤古隘一百三十四里北

至黃安墟六十九里計袤二百零三里東南至車湖一

百六十六里西北至隘上九十二里計斜長二百五十

八里西南至清溪墟一百二十五里東北至五里排十

里計斜長一百三十五里

一縣境通舟之河有三南曰湘水西曰濂水東曰綿水湘

水自羊角營入境西北流三十里受鳳凰嶺水東北流

八里受大照水又西北流五里至白埠 受紫雲山水

又十里至當田 西受大黃沙水東受東坑山水又三里

受分水坳水又北流五里受官豐水又八里至水口村

受大姑嶺水又二十里至河子口 受龍獅嶺水又二十

里至 小河背

受羊石隘水又東北流五里至 橫溪

受左

右水又八里至 廟角灘

受歸坑水又西北流八里至 沙

河

受白石嶼水又東北流十里至 楊梅江

受荷樹嶼水

又西流八里至 金銅埧

受大乾隘水又五里至縣東門

步雲橋合綿水

此瑞金縣河自文武埧入境至此十里

繞城北面西面二

十里至 塔下

受磊石嶂水又西北流十五里至

珠蘭舖

南受南箕埧水北受蓮子嶼水又五里至 蕨坪

受半坑

水又十里至

西高埧

受天門嶂水又二十里至

埧背 受

鳳凰嶼水又八里至

小化口

合安遠河一濂水自長賴

入境東北流二十里至

古寮墟

受田嶼水又十里至

錫

坑口

受豐田水又五里受瀑布磔水又十五里至

大槎

口受鈎刀山水又十五里至

嶂下

受公婆嶼水又十里

至 竹山下

受寨下水又五里至

小化口

合湘水二水既

合北流二十五里受小河逕水又十里入零都縣境此

水之大畧也

一志載東南五嶺惟梅嶺為最東三江脉絡俱祖於梅嶺

會昌龍脉介於安長之間亦梅嶺之右翼也山之從西

南來者為清溪墟諸山左屬安遠右入會昌自此紆折

而東經長會之交為周畚桂嶺盤古隘五畚等山北旋入縣境則為禾稼山白雲山大牛嶼漢仙巖百丈石鳥石黃沙羊子貓石山梓腦芙蓉寨鳳凰嶼鷓鴣磔紫雲山楊梅磔諸山至筠門嶺之北忽開平陽坦蕩數十里為一邑富庶之區自清溪隘而北為分水坳折為薯嶺寨頭山大姑嶼峯坑嶂倒背嶺飯蘿山牛畚山平地嶼以至通嶺其中如八角寨獅子寨獨坵大肚木頭銅石觀梅跌馬油寮荒田等嶼東坑山牛家山荷樹嶼觀音巖諸峯或為馳驟或為偃仆折至三峯嶼轟然而起為

縣之龍脊北轉為南箕坳過脉之處陡然截斷再起為磊石嶂折至白石丁峯香案沙山大脰磔腦磨石諸山擁護城垣以收全勢至於湘東諸山在南則有大蝦尾陳香頂峯起嶼高梁嶼高陽嶼狐狸嶂龍獅嶺打馬嶼石塔頭黃土山三叉嶼高坑山百文磔以及豐山半畚等處奇峯怪石形狀不一軍興以來居民或憑險為寨或登高為廬所在皆是而羊石湖塘大乾分水諸隘界連閩省峭壁峻嶒尤為鄉團所依恃在北則有松岡嶼獅猪嶼白沙嶼黃坑嶼連子嶼鳳凰嶼棠梨嶼狗吠嶼

野雞嶼白竹塢羊鬚塢白石塢黃安巖雷公嶂孕龍嶂
林梓山龍歸山綿延於瑞雩交界之區湘水之西濂水
合焉其南岸諸山天門嶂爲會昌之正幹瀑布礫爲葑
埠之前屏鉤刀山狐狸窟薯坑礫皆近葑埠九龍窟冷
水寨乾坤巖東坑山金船峽錫坑嶼悉抱濂江飯甑寨
高起亂石之右龍王嶂毘連仁風之左其次如九嶺田
岷鐵山青雲山寡婦嶼和尚嶺鎖匙頭獅子石或起或
伏爲西北路之屏蔽此山之大畧也

縣境東通閩省則以太蝦尾湖塘羊石隘分水塢大乾
隘爲要路西通安遠則以清溪隘分水塢南逕坑亂石
墟爲要路南通長甯則以盤古隘羊角營爲要路北通
粵都則以隘口小密爲要路惟東北隅至瑞金界僅止
十里其勢獨絀雖崇山峻嶺綿亘境內而處閩粵之通
衢爲江省之門戶凡官軍馳逐逆匪竄逸恒取徑於此
固兵家所必爭亦防守所當急也

圖目

四境總圖

縣城全圖

學宮圖

官署圖


漢仙巖圖



湘江第一樓圖



文昌宮考棚圖

書院圖














湘江第樓









善

人

年

七





世祖章皇帝登極恩詔 順治元年

奉

天承運

皇帝詔曰我國家受

天眷祐肇造東土

烈祖邁圖鴻緒

皇考彌廓前猷遂舉舊邦誕膺

新命迨朕嗣服雖在冲齡締念紹庭永綏厥位頃緣賊氛

海熾極禍明朝是用托重親賢救民塗炭乃方馳金鼓

旋奏澄清既解倒懸非富天下而王公列辟文武羣臣
暨軍民耆老合詞勸進懇切再三乃于今年十月初一
日祇告

天地

宗廟

社稷

即皇帝位仍建有天下之號曰大清定鼎燕京紀元順
治緬維峻命不易創業尤難況當改革之初更屬變通
之會爰乃酌今準古揆天時人事之宜庶幾吏習民安
彰

祖德

宗功之大所有合行條例臚列如左

諭墾荒

順治六年

上諭自兵興以來地多荒蕪民多逃亡流離無告深可憫
惻著戶部都察院傳諭各撫按轉行道府州縣有司凡
各處逃亡人民不論原籍別籍必廣加招徠編入保甲
俾之安心樂業查本地方無主荒田州縣官給以印信
執照開墾耕種永准爲業俟耕至六年之後有司官親
察成熟畝數撫按勘實奏旨方議徵收錢糧其六年以

前不許開徵不許分毫簽派差役如縱容衙官衙役鄉約甲長借端科害州縣印官無所辭罪務使逃民復業田地開墾漸多各州縣以招民設法勸耕之多寡爲優劣道府以善處責成催督之勤惰爲殿最每歲終撫按分別具奏載入考成該部院速頒遵行

諭禁左道惑衆

順治十三年

上諭禮部朕惟治天下必先正人心正人心必先黜邪術儒釋道三教並番皆使人爲善去惡反邪歸正遵王法而免禍患此外乃有左道惑衆如無爲白蓮聞香等教

名色起曾結黨夜聚曉散小者貪圖財利恣爲姦淫大者招納亡命希謀不軌無知小民被其引誘迷罔顛狂至死不悟應考往代覆轍昭然深可痛恨向來履行禁飭不意餘風未殄墮其邪術者實繁有徒京師輦轂重地借口進香張幟鳴鑼男女雜糅喧填衢巷公然肆行無忌若不立法嚴禁必爲治道大蠹雖倡首奸民罪皆自取而愚蒙陷網罹辟不無可憫爾部大揭榜示今後再有踵行邪教仍前聚會燒香斂錢號佛等事在京著五城御史及地方官在外著督撫按道有司等官設法

緝拿窮宄奸狀於定律外加等治罪如或徇縱養亂爾部即指叅處治特諭

諭興教化 康熙九年

上諭禮部朕惟至治之世不專以法令為務而以教化為先其時人心醅良風俗樸厚刑措不用比屋可封長治久安茂登上理蓋法令禁於一時而教化維於可久若徒恃法令而教化不先是舍本而務末也近見風俗日敝人心不古置凌成習僭濫多端狙詐之習日工獄訟之興靡已或豪官凌轢孤寒或劣紳武斷鄉曲或惡衿

出入衙署或盪混詐害善良萑苻之劫掠時聞讐忿之殺傷查見陷罹法網刑所必加誅之則無知可憫宥之則憲典難寬念茲刑辟之日繁良由化道之未善朕今欲法古帝王尚德緩刑化民成俗舉凡敦孝弟以重人倫篤宗族以昭雍睦和鄉黨以息爭訟重農桑以足衣食尚節儉以惜財用隆學校以端士習黜異端以崇正學講法律以儆愚頑明禮讓以厚風俗務本業以定民志訓子弟以禁非為息誣告以全善良誠窩逃以免株連完錢糧以省催科聯保甲以弭盜賊解讐忿以重身

命等項作何訓迪勸導及作何責成內外文武該官各
官督率舉行爾部詳祭典制定議具奏特諭

御製

至聖先師孔子贊 并序 康熙二十五年

蓋自三才建而天地不居其功一中傳而聖人代宣其
蘊有行道之聖得位以綏猷有明道之聖立言以垂憲
此正學所以常明人心所以不泯也粵稽往緒仰邇前
徽堯舜禹湯文武達而在上兼君師之寄行道之聖人
也孔子不得位窮而在下秉刪述之權明道之聖人也
行道者勲業炳於一朝明道者教思周於百世堯舜文
武之後不有孔子則學術紛淆仁義湮塞斯道之失傳
也久矣後之人而欲探二帝三王之心法以爲治國平
天下之準其奚所取衷焉然則孔子之爲萬古一人也
審矣

巡省東國謁祀闕里景企滋深敬摛筆而爲之贊曰

清濁有氣剛柔有質聖人參之人極以立行者習察舍
道莫由惟皇建極惟后綏猷作君作師垂統萬古曰惟
堯舜禹湯文武五百餘歲至聖挺生聲金振玉集厥大

成序書刪詩定禮正樂既窮象繫亦嚴筆削上紹往緒
下示來型道不終晦秩然大經百家紛紜殊途異趣日
月無踰羹墻可悟孔子之道惟中與庸此心此理千載
所同孔子之德仁義中正秉彜之好根本天性庶幾夙
夜曷哉令圖迥源洙泗景躡唐虞載厯庭除式觀禮器
精毫仰贊心焉遐企百世而上以聖爲歸百世而下以
聖爲師非師夫子惟師於道統天御世爲道爲寶泰山
巖巖東海泱泱墻高萬仞夫子之堂孰窺其藩孰窺其
徑道不遠人克念作聖

御製顏子贊

康熙二十八年

聖道早聞天資獨粹約禮博文不遷不貳一善服膺萬
德來萃心齋坐忘其樂一致禮樂四代治法兼備用行
舍藏王佐之器

曾子贊

洙泗之傳魯以得之二貫曰唯聖學在茲明德新民止
善爲期格致誠正均平以推至德要道百行所基纂承
統緒修明訓辭

子思子贊

於穆天道之大原壽養動察庸德庸言以育萬物以
贊乾坤九經三重大法是存篤恭愼獨成德之門卷之
藏密擴之無垠

孟子贊

哲人既萎楊墨昌熾子輿闢之曰仁曰義性善獨闢知
言養氣道稱堯舜學屏功利煌煌七篇並垂六藝孔學
攸傳禹功作配

御製訓飭士子文

康熙四十一年

國家建立學校原以興行教化作育人材典至渥也朕
臨御以來隆重師儒加意庠序近復慎簡學使釐剔弊
端務令風教修明賢才蔚起庶幾棧樸作人之意乃比
年士習未端儒效罕著雖因內外臣工奉行未能盡善
亦由爾諸生積錮已久猝難改易之故也茲特親製訓
言再加警飭爾諸生其敬聽之從來學者先立品行次
及文學學術事功原委有叙爾諸生幼聞庭訓長列宮
牆朝夕誦讀宜無講究必也躬修實踐砥礪廉隅敦孝
順以事親秉忠貞以立志窮經考業勿雜荒誕之談取
友親師悉化僑益之氣文章歸於醇雅毋事浮華軌度

式於規繩最防蕩軼子衿佻達自昔所譏苟行止有虧
雖讀書何益若夫宅心弗淑行已多愆或蕞語流言脅
制官長或隱糧包訟出入公門或峻撥姦猾欺孤凌弱
或招呼朋類結社邀盟乃如之人各教不容鄉黨弗齒
縱倖脫襖升濫竊章縫返之於衷寧無愧乎況乎鄉會
科名乃掄才大典關係尤鉅士子果有真才實學何患
因不逢年顧乃標榜虛名暗通聲氣夤緣詭遇罔顧身
家又或改竄鄉貫希圖進取鬻凌騰沸網利營私種種
弊端深可痛恨且夫士子出身之始尤貴以正若茲厥

初拜獻便已作姦犯科則異時敗檢踰閑何所不至又
安望其秉公持正為國家宣猷樹績膺後先疏附之選
哉朕用嘉惠爾等故不禁反復惓惓茲訓言頒到爾等
務共體朕心恪遵明訓一切痛加改省爭自濯磨積行
勤學以圖上進國家三年登造束帛弓旌不特爾身有
榮即爾祖父亦增光寵矣逢時得志宜俟他求哉若仁
視為具文玩愒弗傲毀方躍冶暴棄自甘則是爾等冥
頑無知終不能率教也既負栽培復干咎戾王章具在
朕亦不能為爾等寬矣自茲以往內而國學外而直省

鄉校凡學臣師長皆有司鐸之責者並宜傳集諸生多方董勸以副朕懷否則職業弗修告亦難違勿謂朕言之不預也爾多士尚敬聽之哉

諭報增人丁永不加賦

康熙五十二年

上諭海宇承平日久戶口日繁地畝並未加廣宜施寬大之恩共享恬熙之樂嗣後直隸各省地方官遇編審之期察出增益人丁止將實數另造清冊奏聞其徵收錢糧但據康熙五十年丁冊定爲常額續生人丁永不加賦仍不許有司於造冊之時藉端需索用副朕休養生

息之意

諭知州知縣

雍正元年

朕惟國家首重吏治爾州牧縣令乃親民之官吏治之始基也貢賦獄訟爾實司之品秩雖卑職任綦重州縣官賢則民先受其利州縣官不肖則民先受其害膺茲任者當體朝廷惠養元元之意以愛民爲先務周察蒞屋緩輯鄉里治行果有其實循卓自有其名非內聚賄而外干譽謂之名實兼收也全省吏治如作室然督撫其棟梁也司道其垣墉也州縣其基址也書云民惟邦本

本固邦寧夫所以固邦本者在吏治而吏治之本在州縣苟州縣之品行不端猶基不立則室不固庸有濟乎皇考臨御六十一年灼知州縣之重特行引見咨詢明試至詳至慎其有廉能之員毋不次超擢以示鼓勵今海內羣黎皆

皇考所懷保也朕膺

宗社重寄思續

皇考之治功惟爾州縣諸臣具有父母斯民之責其爲朕立之基址以固邦本焉誠能潔己奉公實心盡職一州一

縣之中興仁興讓教孝教忠物阜民安刑清訟簡朕將升之朝宁用作股肱如或罔念民瘼恣意貪婪或股削肥家或濫刑逞虛或借刻以爲清或恃才而多事或諂媚上司以貪位或任縱胥吏以擾民或徇私逞欲以上虧國帑王章具在豈爾貸歟更有任州縣時私肥己橐而漫云且俟顯要方立各節者其與初市清明晚而改操之人何以異哉至於錢糧關係尤重絲毫顆粒皆百姓之脂膏增一分則民受一分之累減一分則民沾一分之澤前有請暫加火耗抵補虧空帑項者

皇考示諭在廷不允其請爾諸臣共聞之矣今州縣火耗任意加增視爲成例民何以堪乎嗣後斷宜禁止或被上司察核或被科道糾叅必從重治罪決不寬貸夫欲清虧空之源莫如節儉正直節儉則用無不足正直則上官不可干以私若賧小民之生以飽上官之貪欲冒不測之罪以快一時之奢侈豈砥礪廉隅爲民父母之道乎爾州縣等官其恪共乃職勿貽罪戾毋謂地遠官卑朕不及察其賢否也特諭

諭恤老 雍正元年

諭戶部恩賜老人原爲崇年尙齒而地方賞老人者每州縣動數千金司府牧令上下通同侵扣吏役復任意需索老人十不得一上負曠典罪不容逭今飭令督撫嚴查務令有司親自沿鄉訪察照看據實造冊給發不許絲毫侵扣如仍蹈前弊立即叅處如督撫奉行不謹朕若訪出必加失察之罪再老人九十以上者州縣不時存問其或孤寡及子孫貧不能奉膳者督撫以至州縣共同設法恤養或奏聞動用錢糧務令得濡實惠特

諭

諭設普濟堂 雍正二年

上諭順天府府尹等京師廣益門外向有普濟堂凡老疾無依之人每棲息於此司其事者樂善不倦殊為可嘉

聖祖仁皇帝曾賜額立碑以旌好義爾等均有地方之責宜時加獎勵以鼓舞之但年力尚壯及遊手好閒之人不得借名混入其中以長浮惰而生事端又聞廣渠門內有育嬰堂一區凡孩穉之不能育養者收留於此數十年來成立者頗眾夫養少存孤載於月令與扶衰恤老同一善舉為世俗之所難朕心嘉悅特賜匾額並賜白金爾等其宜示朕懷並倡率資助之益加鼓勵再行文各省督撫轉飭有司勸募好善之人於通都大邑人煙稠集之處若可以照京師例權巧行之其於字弱恤孤之道似有裨益而凡人慌惕惻隱之心亦可感發而興起也特諭

御製

聖諭廣訓序 雍正二年

書曰每歲孟春道人以木為徇於路記曰司徒修六禮以節民性明七教以興民德此皆以敦本崇實之道為

編民覺世之模法莫良焉意莫厚焉我

聖祖仁皇帝人道化成德洋恩普仁育萬物義正萬民六十年來宵衣旰食祗期薄海內外與仁講讓革薄從忠共成親遜之風永享昇平之治故

特頒上諭十六條曉諭八旗及直省兵民人等自綱常名教之際以至於耕桑作息之間本末精粗公私鉅細凡民情之所習皆

睿慮之所周視爾編氓誠如赤子

聖旨謨訓明徵定保萬世守之莫能易也朕續成大統臨御兆人以

聖祖之心爲心以

聖祖之政爲政夙夜匪懈率由舊章惟恐小民遵信奉行久而或怠用申誥誠以示提撕謹將

上諭十六條尋釋其義推衍其文共得萬言各曰

聖諭廣訓旁徵遠引往復周詳意取顯明語多直樸無非奉先志以啟後人使羣黎百姓家喻而戶曉也願爾兵民等仰體

聖祖正德厚生之至意勿視爲條教號令之虛文共勉爲謹

聖祖正德厚生之至意勿視爲條教號令之虛文共勉爲謹

身節用之庶人盡除夫浮薄覺凌之陋習則風俗醇厚
家室和平在朝廷德化樂覩其成爾後嗣子孫並受其
福積善之家必有餘慶其理豈或爽哉

諭正士習 雍正四年

上諭爲士者乃四民之首一方之望凡屬編氓皆尊之奉
之以爲讀聖賢之書刻膠庠之選其所言所行俱可以
爲鄉人法則也故必敦品勵學謹言慎行不愧端人正
士然後以聖賢詩書之道開示愚民則民必聽從其言
服習其教相率而歸於謹厚或小民偶有不善之事即

懷愧恥之心相戒勿令某人知之如古人之往事則民
風何患不淳世道何患不復古耶朕觀今日之士雖不
乏閉戶勤修讀書立品之輩而蕩檢踰閑不顧名節者
亦復不少或出入官署包攬詞訟或武斷鄉曲欺壓平
民或違抗錢糧藐視國法或代民納課私潤身家種種
卑污下賤之事難以悉數彼爲民者見士子誦讀聖賢
之書而行止尚且如此則必薄待讀書之人而並且輕
視聖賢之書矣士習不端民風何出而正其間關係極
爲重大朕自即位以來加恩學校培養人材所以教育

士子者無所不至宜乎天下之士皆鼓舞奮與爭自濯磨盡去其挑達之習矣而內外諸臣條奏中臚列諸生之劣蹟請行嚴懲者甚多朕思轉移化導之法當先端其本源教官者多士之儀型也學臣者教官之表率也教官多屬中材又或年齒衰邁貪位竊祿與士子爲朋儔視考課爲故套而學臣又以衡文爲事任教官之因循怠惰苟且塞責漫不加察所以倡率之本不立無怪乎士習之不端而風俗之未淳也朕孜孜圖治欲四海之大萬民之衆皆向風而慕義革薄而從忠故特簡懷愧恥之心相戒勿令某人知之如古人之往事則民風何患不淳世道何患不復古耶朕觀今日之士雖不乏閉戶勤修讀書立品之輩而蕩檢踰閑不顧名節亦復不少或出入官署包攬詞訟或武斷鄉曲欺壓平民或違抗錢糧藐視國法或代民納課私潤身家種種卑污下賤之事難以悉數彼爲民者見士子誦讀聖賢之書而行止尙且如此則必薄待讀書之人而並且輕視聖賢之書矣士習不端民風何由而正其間關係極爲重大朕自即位以來加恩學校培養人材所以教育

士子者無所不至宜乎天下之士皆鼓舞奮興爭自濯磨盡去其挑達之習矣而內外諸臣條奏中臚列諸生之劣蹟請行嚴懲者甚多朕思轉移化導之法當先端其本源教官者多士之儀型也學臣者教官之表率也教官多屬中材又或年齒衰邁貪位竊祿與士子爲朋儔視考課爲故套而學臣又但以衡文爲事任教官之因循怠惰苟且塞責漫不加察所以倡率之本不立無怪乎士習之不端而風俗之未淳也朕孜孜圖治欲四海之大萬民之衆皆向風而慕義革薄而從忠故特簡

督學之臣慎重教官之職欲使自上而下端本澄源以收實效也凡爲學臣者務須持正秉公宜揚風化於教官之稱職者即加薦拔溺職者即行叅革爲教官者訓誨士子悉秉誠心如父兄之督課子弟至於分別優劣則至公至當不涉偏私如此各盡其道則士子人人崇尚品詣砥礪廉隅且不但自淑其身而羣黎百姓日聞善言日觀善行以生其感發之念風俗之丕變庶幾其可望也特諭

諭禁賭博

雍正七年

上論游惰之民自昔治天下之所深惡若好爲賭博之人
又不止於游惰而已荒棄本業廢盡家貲品行日卽於
卑汚心術日趨於貪詐父者之則無以訓其子主習之
則無以制其奴鬪毆由此而生爭訟由此而起盜賊由
此而多匪類由此而聚其爲人心風俗之害誠不可以
悉數也大凡爲不善之事者雖干犯功令猶可得微利
於一時而獨至賭博則今日之所得明日卽未必能保
若合一年數月而計之勝者與負者同歸於盡此天下
人所共知者而無如邪僻之人一入其中卽迷而不悟
且甘爲下賤而不辭者大可悲矣數年以來屢降諭旨
嚴禁而此風尙未止息者則以製造賭具之尙有其人
而有司之禁約未曾盡力也百工技藝之事可以獲利
營生者何事不可爲而乃違條犯法製此壞風俗惑人
心之具其罪尙可言乎嘗思賭博之風所以盛行者父
兄爲之子弟見而儆之家主爲之奴僕在傍見而儆之
甚至婦人女子亦沉溺其中而不以爲怪總因習此者
多故從風而靡者衆也假若嚴行禁止使人不敢再犯
則日積月累後生子弟無從而見卽無從而學此風自

然止息無俟條教號令之煩矣凡地方大吏有司有化民成俗之責而乃悠悠忽忽視爲平常安辭溺職之咎今特定本地方官員勸懲之法以清其源嗣後拿獲賭博必窮究賭具之所由來其製造賭具之家果審明確有證據出於某縣將某縣知縣照溺職例革職知府革職留任督撫司道等官各降一級留任如本地有私造賭具之家而該縣能緝獲懲治者著加二級知府著加一級督撫司道等官著紀錄二次將此勸懲之法永著爲例於雍正庚戌年爲始著該督撫通行曉諭使城邑鄉村及遠陬僻壤咸使聞知特諭

會昌縣志卷一

星野志

自保章氏以星土辯九州之地而裨靈梓慎復神其說
嗣後費直以易卦配地域蔡邕以節氣當國分而王充
僧一行又謂兩戒山河以氣相屬談天者流紛紛聚訟
矣我朝寰宇統一欽垂儀象經緯度次燎如指掌孰
謂偏隅殲丸遂爲推步所遺乎志星野

漢志謂揚州麗南斗之墟轅爲揚州之域躔入斗十度其
次合正當星紀丑位候在熒惑占於烏衡於北斗屬權星

於南斗屬天相星於三台六星屬上台下星於天市主東
蒼十一星六曰吳越於五車麗司空二十八宿分野圖說
又云贛州入斗十二度言十度者括以豫章地與贛去豫
章千有餘里會又去贛三百里度數詳無差別然地隸豫
章贛之宿度可以豫章統之會昌宿度即可以贛州統之
矣董志所謂會爲贛屬邑躔次宜與郡同也

會昌縣志卷二

沿革志

邑自秦漢以前無所考大抵爲古百越地隋開皇後地
隨雩都隸于虔州紹興時州多盜論者以虔字爲虎頭
故易名曰贛而會昌之名則自宋置縣以來越于今未
改夫因革之勢隨乎時盛衰之機在乎人方今 聖化
涵濡無遠弗屆吾見斯邑日新月異寶軼宋元明之會
昌而上之有志之士可以嘯然起矣志沿革

會昌

空

太平興國中析雩都六鄉于九州鎮置有銀場

宋

置縣未立名適鎮人鑿井得甌十二上有會昌篆文事
關因以名縣名勝志

宋紹定四年升會昌爲軍威治五年復爲縣天啟府志

至元二十四年省安遠入會昌元史地理志

會昌州下本雋都元唐屬虔州宋升縣之九州鎮爲會昌

縣復升爲軍大德元年升會昌州領一縣瑞金同上

吳湘臯曰升會昌爲軍宋史未載止見于元史而不載年
號惟前明謝桓懋付志詳載升軍復縣年號縣秩官志及

載軍使一人趙汝回籍貫年任確鑿而謝志闕焉前明昂

通志載趙汝回紹興間任會昌州據宋史沿革表會昌在
宋未升爲州又按百官志止有軍事推官軍事判官軍巡
判官無所謂軍使者此必縣志事訛爲使林志紹定訛爲
紹興會昌軍訛爲會昌州耳然無從考其所據矣

明洪武二年復爲會昌縣嘉靖通志

皇清因之編戶五里康熙安志

吳湘臯曰禹貢淮海爲揚州周禮職方氏東南曰揚州江
西地境禹迹所經者推敷幾原彭蠡而已豫章之名始見

于春秋由豫章而上大都苑服草昧贛州且不論又何論
于會昌新唐書地理志云江南道蓋古揚州之南境時虔
州屬江南道是今之贛地為古揚州南服會昌地即在贛
之東南則同在揚州之域可知矣吳越分野俱屬揚州唐
詩云到江吳地盡隔岸越山多言其地以錢塘江為界也
斗六星二十五度為吳之分野贛州入斗十二度以星野
考之自武王克商封仲雍之孫周章于吳下歷春秋會昌
地始當屬吳周元王三年越滅吳地轉屬于越迨至戰國
楚威王伐越殺王無疆盡取故吳地地又入于楚秦始皇


滅楚後分揚州置三郡江以西為九江郡史記正義九江
郡即壽州楚徙壽春號郢秦於此置九江郡會昌地始統
于九江漢高祖五年賴陰侯灌嬰渡江定豫章郡始置雩
都縣會地始專隸雩都獻帝初平二年地始隨雩都隸廬
陵郡三國吳主孫權嘉禾五年分廬陵置南部都尉于雩
都地屬之晉太康三年地隨雩都隸南康郡惠帝元康元
年置江州都督府郡領縣屬之南宋武帝永初元年改南
康為國城于雩都齊武帝永明初復為南康郡隋開皇元
年罷南康郡為虔州虔州之名始此大業三年復為郡元

和郡縣志江南西道觀察使方管八州虔州管七縣地隨
雩都隸于虔至宋太宗太平興國中始置會昌縣追溯未
建縣之先上下數千百年間一隅之地因時因郡因縣輾
轉相屬蓋如此用采禹貢周官春秋戰國下及秦漢至于
唐宋志其所紀大畧聊以爲考輿地者之便覽云

李元瑞曰雩都雖隸于贛州置縣實始于漢則九州鎮之
名由來已久而舊志無考不知何所指而云九也

劉安國曰余閱歷代地理志唐武德間始置筠州而江西
舊所轄江洪饒信撫袁吉虔止八州耳及筠爲九顧祖禹

方輿紀要云江南路領州十三江西饒州撫州江州洪州
袁州吉州虔州信州筠州屬焉虔居八州上游此鎮又居
虔上游之東南且值漳汀潮惠四州之衝其地實爲虔以
下八州咽喉鎮名九州當以此也



會昌縣志卷三

形勢志

虔郡處全豫上游會又為郡咽喉之地接八閩控百粵
昔人以為命將耀兵可當東南一面良不誣已漢書有
言譬猶居高崖之上建瓴水也謂其勢順而捷也往者
邑人鑿井得瓴甕有文曰會昌而縣因以名覽其形勢
不且與建瓴而治之義亦有合乎志形勢

南方之山衡為宗自衡蒸而南稍東為大庾表而北又稍
東為盤古其地界閩粵始上游今隸贛宋曾丰盤山記

會昌縣志卷三 形勢

贛之屬曰會昌州壤接閩廣實邊徼重地

元程從禮會昌州廳記

其地僻遠且險

明董越公節記

營在會昌之南長河之口南通惠之龍川湖之程鄉饒平

東連汀之武平永定乃數邑之交衝而贛之門戶也

羅敏

順修復長沙營記 今長沙營已裁地亦割補安遠

安遠會昌間則羊角水爲之咽喉

歐陽德羊角水堡記

會昌寶巢洞出沒之區羊角水在上游命將耀兵當東南

一面郭子章郡邑表記

會昌最爲閩廣要衝

知縣王洵英烈祠碑記

地迺閩粵驛馳謹呶之聲旬或數至

知縣王凝命新產貞賓館記

灘石多獸類峽路想蠶叢

瑞金楊以獻會昌灘詩

會昌僻處一隅地爲旣粵樞紐關山拱揖于前明山坐擁

於後左右諸峰凌空疊霧湘綿二水飛映長虹

舊志

會昌羊角水扼閩廣之衝爲南贛咽喉重地

府志

邑人吳宏有詩曰長沙小密壘空空各寨遺名指顧中洋

口峽收三縣水軍門嶺納百蠻風昔時寇盜充斥會昌圍

寨遍村落其著名者三十六寨各立寨長名挂縣冊有事

傳喚則率鄉勇携器械而至

東南當閩粵之交衝西北阻章貢之雙滙徑蟠山頂以連雲灘激石牙而噴雪

邑人蕭世揮知非圓形勝偶談

會昌縣志卷四

城池志

王公設險以守其國山河之帶礪尙已會雖蕞爾邑而延袤百里擬古侯封環山以爲城阻水以爲池居內控外登若金湯匪唯壯觀美寔以固吾圉也願爲保障毋爲繭絲是在乎有守土之責者志城池

宋紹興間縣令黃鉞始築圍二里五十步高一丈五尺三

面阻水南爲濠廣十丈深六尺長一里五十步

府舊志

明洪武二十二年己巳千戶彭英自西南隅增拓二百步

通二里二百五十步高仍舊上建樓四雉堞九百五十七
警舖八舊門六元時塞小南小西二門存其四東曰雙浩
西曰麗澤南曰鎮湘北曰臨清敵台二座在鎮湘門左右
副千戶牛壽增高五尺正千戶白天祥建二亭于上正德
七年壬申兵備副使王秩檄知縣林信主簿孫鑑千戶牛
壽陳備督工重修圍四百五十丈增高五尺又增警舖十
三座嘉靖三十四年丙辰夏水圯去之七八知縣陳仕修
築萬歷四十二年甲寅知縣冑夢齡加葺

天啟府志

國朝順治五年戊子金聲桓王得仁逆命城羅兵燹鼓樓警

舖悉燬次又遭山寇蹂躪滿城瓦礫七年庚寅知縣王洵
修之重建鼓樓炮台警舖自爲記康熙十年辛亥知縣王

凝命加葺

舊志

康熙十三年甲寅粵寇告警知縣王凝命復勸諭城內外
居民每戶納磚二百塊砌建東西銃閣二座

東銃閣今改

爲青華門

以護城南門二十七年戊辰東城傾塌十餘丈

二十九年署知縣事南康府同知陳琅修築四十年辛巳
六月洪水東城北城各傾圮十餘丈知縣徐嵩倡捐紳士
助修東城告竣而止四十七年戊子知縣董霏修築北城

旋爲水圯五十三年甲午知縣黃鶴移水東橋廢石廣砌
城址捐俸買磚並給工役飯食令鄉約黃允士羅執成吳
子顯董元實等督理比昔工力加倍工訖人呼爲黃公城
邑人蕭師諤續志藁

乾隆七年壬戌知縣仲作楫拆東鉞閣復開小南門建二
層樓于上巡道副使朱陵額曰湘江第一樓作楫額其門

曰青華

乾隆十五年志

吳湘臬曰紹興間築城橫鑿南門外地爲濠故老相傳云
初鑿時城中雞至曉不鳴者一月餘因東邊浮土之下

石難施工乃止不鑿由是城外雞鳴二次後城內東南雞
應之衆雞始鳴地脉受傷如此我邑城水繞三面惟南岡
一路通閩粵汀漳潮惠四州縣脉由西南東折而北至東
嶽廟以下過脉處不及五步今名官塘是也冠嶺以下至
城不及半里東西如之其地脉可謂極短小而薄矣昔康
熙甲寅粵寇攻城即折南關外房屋磚石填濠塞門名曰
堆青未及半日高將與城齊夜分角聲四起嗚嗚不絕焚
燒屋料于冠嶺之上火焰順風直射城中復以鑿音似罵
似謔羣謳于城下守陣者皆哭城中乃拚發大砲擊之非

郡兵恰到繼勦而城幾不守寇退後通邑紳耆以爲濠淺狹且中高而左右低不能注水徒傷地脉無補防禦議填卽于濠之南岸築添子城緊連東西銃閣開三門以通往來其議甚善值是年新舊官接卸未幾閩逆賊將又復據城瘡痍扶傷不暇遂未果填築人甚恨焉

縣治南大街通鎮湘門門外由街通官塘以上路至麻州湘鄉至于長寧縣及閩粵而遙

東大街通雙清門門外至于河

北大街通臨清門門外至于河

西大街通麗澤門門外至于河

鎮湘門內城牆下東巷通青華門至于東城門又至于北城門

鎮湘門外城牆下東街通東銃閣青華門至東城門又至于北城門外越黃坊渡至承鄉又至于瑞金縣

鎮湘門外城牆下西街通西銃閣至懷仁關北轉西城門又至于北城門外左越西津渡至禾豐雩都縣

懷仁關南通富尾至于教場

西銃閣南通社壇下過大甫田側歷教場沙山腦至于安

遠信豐二縣

仙遊巷在縣治東南有明僊道院相傳呂洞賓曾遊此故

名今為民居

萬歷舊志

希顏巷在縣治東與儒學相對

萬歷舊志

仁寧巷在縣治西即今富板橋巷北通西大街

萬歷舊志

附入疆域

廣二百二十五里袤一百三十里

東界福建武平縣大禾陶一百三十里

西界安遠縣長沙營一百里

南界長寧縣盤石隘一百二十五里

北界瑞金縣五里排五里

東南界福建武平縣背寨一百四十里

西北界雩都縣長布崗七十里

東北界瑞金縣黃安巖七十里

西南界安遠縣青溪山一百二十里

自縣至府陸路三百里至省陸路一千五百里至京師五

千九百七十里

附錄舊日鄉保墟市

勸鄉 湘鄉 浮鄉 化鄉 承鄉

仁豐保 質管保 重石保 石檢保 桂林保 曉村

保 上林保 雲雷保

以上八保在化鄉 成化梁志

永義保 清化保 官朝保 豐樂保 永豐保 天陂

保 常安上保 常安下保

以上八保在承鄉 同上

小田 周田 螺田 當田 嚴田 庸田 大片田

宗田 車田

以上九田在湘鄉 同上

溪口墟 在黃坊溪口縣南四十里 常安墟 在常安保縣東北四十五里

峽頭墟 在浮鄉縣西一百里 黃罡墟 在勸鄉縣南四十里

重石墟 在長河保縣西一百六十里 石甌墟 在德鄉縣南八十里

質管墟 在長河保縣西一百里

以上七墟 隆慶陳志今有廢者有割入安遠者

麻州墟 在湘鄉縣南四十里 浴口墟 在浮鄉縣北八十里

牛岡墟即今周田墟 在湘鄉縣南八十里

以上三墟今仍存 陳志

胡維仲曰地割名存附錄舊志似屬贅疣乃生斯土者
除湘承二鄉而外昔所謂勸淨化三鄉之名久不傳於
里老之口而知之者鮮矣雖非鄭公孝子之鄉可風里
開甘谷安定之堡足壯城池不過使後人考輿圖而猶
知某里某堡爲昔日某鄉之地也惜乎舊志殘闕而仍
不備也

現開墟市

盤古隘墟 厝田墟 筠門嶺墟 羊角水墟 老螺田
墟今廢 下營新墟 中村墟 站塘墟 烏鴉泊墟

高埗墟 曉龍口墟 漁翁埗墟 鍾新墟在亂石

粵新墟在莊埠 珠蘭舖墟 廻龍墟在承鄉土谷埗 小密墟

黃冠墟 白鵝墟 上堡墟 右水墟 板坑墟 孕龍
墟 高蘭墟 茶梓墟 隘上墟 半逕墟 西江墟

新開墟市

均田墟 石埗墟 河墩墟 水口墟

二衙分轄

羊石 分水 麻洲 下保 上保 左右水 珠蘭舖
白竹 白石 盤石 高蘭 曉村 馬村 仁風

水頭 龍化 莊埠 在城九關

以上典史所轄

站塘 中村 官村 河頭 白埠 下河 上下營

羊角水 芙蓉寨 石螺坊 大小照 官豐

以上湘鄉巡檢司所轄

沿壩 王田 孕龍 千工堰 背坑 永豐 大陂

洛口 石頭逕 黃冠嶺 上下蘆

以上承鄉巡檢司所轄乾隆三十年閏二月裁缺所轄

地俱歸典史

附牌坊

感化坊在縣治南宋紹興知縣李好問立今廢

惠政坊在縣治西宋淳熙間知縣潘克和立明知縣王文

孜改爲迎恩坊今廢

孝善坊在縣治東宋乾道間知縣崔允升立今廢

進士坊在縣治左爲宋進士賴克紹唐稷立今廢

興賢坊爲尹天民立今廢

桂華坊爲唐稷立今廢

博士坊在縣治右爲宋侍講尹天民立今廢

會昌縣志 卷四
激揚貞肅二坊在都察院行臺左右今廢

保釐坊在縣治南前明知縣刁夔麟立今廢

虔南古邑坊在麗澤門之外知縣崔允升立今廢

冬官坊在水東爲郎中文伯達立

清白坊在莊埠爲知縣胡夷簡立石址尚存

循良坊在水頭爲豐縣知縣鍾世章長樂知縣鍾沂立

御賜進士坊在賴家巷崇禎末爲廷試貢士賴士奇立今

廢

三省分疆九州重鎮二坊在縣治頭門外東西康熙中知

黃鶴建雍正乙卯知縣范興穀修乾隆庚午知縣戴

體仁重修

聖諭坊在儀門內知縣戴體仁重修

進士坊在儒學左康熙戊戌科進士蕭師諤立

進士坊在縣治照牆背即蜚聲坊舊址康熙庚辰科武進

士李得梁立并書舉人李才李益燦李元琦李得榮李

長安于坊

旌義坊明景泰間爲歐志雄賴勝先趙雄立

百歲坊一爲歐可成立 一爲鍾應華立 一爲蕭大賓

妻劉氏立 一爲蕭廷選立今被捲頽

孝行坊一在水東明萬厯間爲廩生歐子復立

一在城內揜把街順治間爲生員劉嘉屏立

節孝坊在賴家巷爲監生賴拔妻劉氏立附進士賴澤霖

附樓閣

敬一亭 戒石亭 洗心亭 不俗亭 對越亭

觀稼亭 以上亭俱久廢

有愛樓在儒學東明正德五年知縣王顥重建

國朝順治五年知縣沈道全建燬于兵

冷初知縣王洵重建

鏡虹樓在縣東城上

含清樓在縣西城上俱王洵建

魁星樓在儒學東康熙己酉改學宮作乾巽向移其樓于

文廟後爲啟聖祠仍肖其像于樓上丁亥改建啟聖祠

丁酉始建樓于儒學頭門內乾隆己卯改建

湘江第一樓詳青華門

後樂園在莊埠清白坊右明邑人胡夷簡築康熙甲寅燬

于寇今址猶存

會豐縣志卷四
紫電齋在五板橋北今廢

勅書閣在水東爲歐舜邦建今廢

剝境在承鄉泰和嶼會瑞之交贛縣姚士廉闢地隱居今廢

續輯城池

道光二十三年東北角城墻因洪水衝倒知縣曹士桂募

捐重修

咸豐六年城墻垛口年久未修勢將傾塌因會匪攻城知

縣劉松屏重修

臨清門之左同治十年八月被洪水衝塌城墻八九丈知

縣劉長景勸捐修復

縣城五門城樓咸豐六七兩年及同治三年髮逆屢次圍

攻城樓多被砲損清華門當衝毀壞尤甚鎮湘門樓同

治六年又遭回祿十年冬知縣劉長景勸捐修理將雙

清麗澤臨清三門樓仍其舊制量爲補葺清華門樓因

諺傳有關闔邑文風特加高尺寸上祀關帝以資鎮壓

鎮南門樓擬從新創造以歲向不利緩工俟後

保安亭在松岡嶺距城西門七里咸豐三年知縣汪世梅

倡修

召憇亭在湘鄉筠門之下八里地名熱水塘雖爲閩粵通衢而附近人烟稀少奸宄乘虛爲害行旅視作畏途同治十年知縣劉長景倡捐督同貢生朱鳴喈職員李華清李錫瑛勸修並捐置田地雇人巡守盛夏則於亭中施茶其基址係車心戴姓公捐董事朱鳴喈撰有碑記

補遺

善慶坊在西城內排柵巷口南左通井頭高山腦斜街北
至西大街巷右橫街歷文山祠北折至五板橋頭東通
南大街北通西大街

封贈坊在排柵巷內西閣樓為明贈廣東長樂縣知縣胡
大徽建

桂花巷在西城內中下所背巷南至西大街西通胡家
祠會西北二門東通德星閣吳家祠
李家後巷即今上所背巷南通西大街

鳳岡在水頭夢有養翻山房邑人鍾文煇文頌築知府魯
之裕過此題其堂曰欲其自得

劉盧在莖埠胡岸叔少聚族子弟肄業其間

大漁潭福昌亭義渡閩客吳思瑜鍾景洪暨邑人曹廷偉
等倡捐置產以贍茶渡嗣邀集同人經營以垂久遠知
縣陸模孫邑人賴澤霖製序勒石

會昌縣志卷五

山川志

環邑皆山也漢仙盤古諸峯巖崕尤美而綿湘二流如環
如帶澗澗激瀉于崖峽間馳波跳沫致足觀已若夫春山
蠟屐秋水鳴橈嵐光練影蒼翠滿人衣纈子厚詩所云烟
銷日出欸乃一聲可於斯境遇之蓋又飄然在塵壒外矣

志山川

東南之山以崑崙南幹爲太祖以衡岳爲大宗以五嶺爲
小宗而五嶺之中惟梅嶺爲最東三江江西江浙江百粵七閩

脈絡皆祖于梅嶺此又東南省郡之一小崑崙也贛屬近嶺之邑首龍南定南次信豐次安遠又次長寧而會昌龍脈則介于安長兩山之間山之經從西南來水之源自東南發若不相謀然右湘水而左灑江依然兩大戒夾護而下至縣三里許山與湘水始會于正幹盡處而作邑焉邑西南二百里外有大帽山左安遠右長寧向東北行至黎員山左支起馬鞍山結安遠右支東走周畚結長寧中抵礫腦俱安遠地又行至

分水坳左屬安遠左始入會昌界自分水坳以上為安長

今三縣總脈循分水坳東北行歷東坑折而至牛背左

仍屬安右則為會之

倒北嶺以山勢東趨而一面忽向北故也循西北則為

老虎嶼嶼俗字諸書上于水經注一見陳開翠屏如虎負嶼欲作跳躍勢

為縣龍正幹東北折為 逕山又西北折為 雲雷坳左

仍屬安遠右會昌蓋前明萬厯間割安遠地建長寧又割

會昌地補安遠故六 初錯如此自此而入 鷓鴣嶺八

角寨則皆會昌地矣

八角寨高數十仞翠微接天村人過一苦堪輿者按八卦

方位以築寨又開長生門故避寇于此者多安吉由寨左至 羅家磔右至牛牯坑中間若 上地 大肚嶼 小

磔東坑 上山長山 家山蜿蜒盤折起伏仄偏凹者凸

者窪者昂者馳驟者偃仆者跋而翼者夔屈而承突者崎

嶇崩劣皆黃壤黑墳盡栽山茶樹俗稱木子樹子可榨油無寸隙曠

閒綿亘至三峰嶼又呼三仙下棋諸山中三峰獨盡然而

起若栽冠列坐者距縣止三十里龍脊也緣山越澗雖無

遠壑幽巖可供遊覽然蒸樹四時長青三冬花自立三峰

而上回望所歷諸處若擁碧雲飛晴雪于縱橫數十里間

而塵心熱腸不覺洒然頓淨矣自三峰北轉為南箕坳正

幹至此截然而斷對山突起中深十仞竟成坑壑說者謂

過脉太陡不分陰陽疑順治戊子兵燹即受劫于此再起

為 平地嶼高岡委蛇路徑坦蕩左斜為 磊石嶂嶂東

北折為

西山嶼 平地嶼右拖而東為 白石嶂北折至 磔腦

則有三坳平列三坳于前山右為 磨石坳左為 茶

亭坳中為 官坳俗訛為旱坳正幹從中墩穿過旁夾兩

墩康熙中重修學宮時堪輿樂嘉善尋踏龍脉至此訝然

曰此三馬捷報山也將出三元今呼爲三元墩近日邑人胡道宏采訪山水過其上歸謂人曰邑人士無輕自棄余細察龍脉樂先生所云不虛地靈人傑定將有應者官坳辛龍出脉涵蓄漫迤三里許復束氣勃然起爲

香案山距縣西南十里勢趨而東高二十仞位于丁方其頂平整如案右聳爲獅子石俗呼爲攝臨江昂然勢欲

飛渡如懸帷勒馬忽然而止之象石之南上爲華蓋山

土山戴石石頂圓而旁則皺折如帶圖蒼翠欲滴又呼爲翠螺山磊磊接續俗又呼爲獅子滾毡皆因其形其色而

各異其名也由樓梯嶺渡沙河橋再上六里曰

增坊嶮危峰孤起與高排天門嶂爲縣龍左右夾曜山下渡黃坊溪口有

太平巘旁有飛泉隨風舒卷名曰水簾岩之前有

來石砦距縣南五十里奇石纍纍不一其狀與紗帽砦

相距不遠上有石門石泉兩砦俱險峻邑人多避亂于此

由此而上則接湘鄉銅嶺諸山矣獅子石左下平行北趨打石江江從右旋左岬爲護生巷竹林寺林岡壩此爲縣

龍東南護沙也案山左出則爲丁峰塔沙山腦幸

峰塔亦豎其北作關鎖以收近城全勢此為縣龍西北護
沙也中幹則自香案山折而為 丙峰塔為 仰山寺迤
通而下東為大蓮塘西為會坑至東岳廟開左右翼松塘
坑萬人坑為左右隨龍小界水中抽一脉至官塘微仄而
東江阻其下遂復西轉則為

冠領

漢書嶺作領

在縣城南半里許于八卦位為離龍脈總束

將結縣處也其坡微起而敷土甚厚若為邑之冠弁領神

然舊志稱為駝峯塔嶺求雨壇即此天真古觀祖師殿在峯側

透迤而下循巽隅走震

至良折而入坎位陂陀停頓正幹龍脈于茲盡矣縣治文

廟在焉乾方稍隆起與巽隅相比耀復落而趨于兌故西

城內外地獨窪水常灌城至坤維則平疇數百畝為縣龍

左脇稍舒急來之氣湘水亦自南來沿城東北而西旋復

而南大甫田逼城濠及松塘會坑水出第一橋作小界與

湘水合故富尾而下儼如鳳嘴楊柳壩城郭其鳳冠也南

門外街其鳳頸也冠領以上培龍坳其鳳掖也堪輿家謂

縣形勢為冊鳳銜書登明山視之頗相類由犁員山東趨

周畚項山皆長寧地或循西而來或往東復回或從南直

下皆

湘鄉村落支脉延袤六七十里各姓聚族而居煙火千家
鷄犬之聲相聞乃又當粵閩孔道往來熙攘踵接肩摩幾
幾乎舉袂成雲揮汗成雨矣蓋亦庶矣哉其鄉之山則有
銅嶺爲江廣通衢距縣南六十餘里嶺雖高而路曲折迤
平合圍古松夾之舊志載梅嶺者誤此折爲蠶坑坑右之
南有紗帽石邱盆山坑左山之北有文筆石銀石砦銅嶺
三十里東爲

青溪山界聯安遠綿亘起伏清流縈繞山之左爲烏石
砦山之下爲錫田逕康熙中有閩棍恃訾借上課爲名

具呈督撫求准開採委署縣事信豐知縣張執中查勘議
覆通鄉閼然以室廬墳墓所關也有庠生王孫芝等具呈
開採之害執中當使閩棍所帶人指何處有錫面使之掘
地深丈餘皆土雜礫礫水色白而中堅並非錫砂議上奉
批永禁按會邑雖有錫山鐵山銅嶺銀石之名皆土人因
土石色而遂呼之非真產銅錫如水銀丹砂所化而可名
之爲永也名久傳譏即土人之好勇疾貧者亦信以爲真
有然則縣名玉山瑞金豈其地即出金玉歟張侯掘地而
顯暴其烏有其一本之河伯娶婦投巫于河之遺意而神

明用之以惠我鄉也

白鳳山在青溪山之右土人亦呼爲鳳凰嶺邑人吳湘皋咏文華石詩有云青山愛謝朓白鳳夢楊雄以二山皆相近也

紫雲山距縣南九十里

詳寺觀志

蕭帝巘在紫雲山之南

詳古蹟志

西巘在蕭巘少西巖磔幽邃與蕭巘同故又云同峰

羊石岩在西巘西與紫雲平列白鳳青山皆其右翼石形如方巾前後與左偏皆刀削斧劈然高三十餘尋惟東有

石徑逶迤而上登其巔全鄉在望矣

筠門嶺在盤山之西

詳古蹟志

盤古山去縣南一百二十里

詳寺觀志

蝦蟆石近筠門嶺

詳古蹟志

漢仙巖距縣南一百二十里在筠門嶺之東與盤山稍近去羊角水鎮二里

詳古蹟志

水清崑距漢仙巖二十餘里俗傳林姓者跌坐而化于此舊有佛殿數楹今廢有 貓頭嶺 鷓鴣石 雷鼓石皆在崑左右相距不過十里而近

四望山東界閩南控廣登高可以四望又羊角水之扼塞也

君山在縣東百里

詳古蹟志

白雲山在縣東百里時其東則有關山

詳寺觀志

豐山居分水隘之中距縣東五十里其頂方而平高數百仞周迴數十里晴霄遠踰東七閩西縣城左筠門嶺右瑞金皆如黑子蟻垤霏霏在煙霧中邑東最高之山也由山以東五十里爲分水隘坳外爲長汀太陽丘折而東北爲大乾隘隘外亦汀州地武平雙坑塢皆由此通按縣東

育羊石分水兩隘皆爲閩廣出入之路永平旣久德化復深生齒又繁夜戶可不閉矣然安不忘危治益思治陰雨綢繆之詩又當時時使居民誦也

掛瀾山土人呼爲萬丈礫在縣東南九十里爲增坑水口

詳古蹟志

百丈礫在大洞水口縣東五十里其溪水與石相爲衝激聲如轟雷震谷有山拆土崩之勢其旁則斜爲水簾飛雲絡雨噴珠裂帛因風搖颺難以名狀

釣魚嶺自則乾至土橋破嶺上下將二十里距縣三十里

而遙

半畚嶁綿亘十餘里高可七八里上洋大洞分界山也山之右爲巽峯與學宮相照疊嶂層巒爭西而出則有石榴花寨三寨聯絡儼如石榴一枝三花西向距江形勢環相拱衛歷來亂者皆恃以無恐寨之東三十里有雞心寨與文溪鳥仙寨相距六里東北有大鵝營圍西北有龍塘圍今皆廢頽不治蓋村民享昇平之福于茲百餘年矣龍塘圍之麓有魚潭石潭左稍上半里名鏡衣灘循水而下抵水東有

古方山距縣十里峰巒礧礧一邑壯觀山之左三十里有駐米巘深二丈廣培之爲伏虎禪師駐錫處相傳有小竇日出米隨遊人多寡可給後俗僧鑿而廣之遂絕僅有泉流又名駐水巖水東半嶺以一嶺會瑞各分其半左則瑞金界矣凡導山以大包小以有名包無名禹貢云奠高山大川高大旣奠其餘卑者小者悉括其中縣南東百里內外山巘頗具其嵯畧矣爾乃渡雙清過麗澤巍然作一邑之鎮者曰

明山明者取向明之義山距冠嶺相隔止一城一江而其

脉自犁員山右貫輪紆鬱磅礴委折越潮汀界轉迤瑞金
乃隨綿江而趨于南故又名南山與冠嶺相照如舉手之
扞頭目舊志稱爲主山其實在賓位也高百仞周遭三十
餘里山之陽分兩翼左上爲黃坊堰右下爲水西壩壩之
利與堰田等居民得以朝夕取給湘綿合流浣演濼洞于
山之趾趾左偏南向有五虎石負土而出似虎蹲伏其間
俗呼爲五虎石壩故石旁塚皆名渴虎飲泉石趾右邊則
爲麗澤渡口有關帝祠祠後石磴繞山坳而入曰半山寺
山左麓有六祖寺寺肇于唐開元時先邑而建者數百年
寺之左有石崖山水驟漲飛流而下聲振霄壤右麓圻而
北有南山寺今廢有水滸祠改名礫灘閣水陸並通爲一
邑近郊北門鎖鑰也按府省志云山北折而西爲西山巖
誤矣巖隔一江江距巖尙數里許茲山之脉斜出于火
珠石爲

承鄉出入總路火珠石之脉又孕于

鳳皇嶼距縣東北四十里走小密達雩都總路延袤二十
餘里高半之峰勢斜展如翼夾道蒼松數百柯直達山頂
風撓掃曳翠羽紛披遠視儼有翱翔千仞之勢山之南下

爲

鷄婆窩草樹菱薺嘗藏奸及過者早暮多戒心焉由
竹橋東折而此爲

分水嶼至煎石觀音菴可憩行旅兩嶼左右相距溪澗紛
流岬峒峭嶙綿亘數十里縣東北一關隘也此外別有
龍歸山與鳳皇嶼相距二十里爲天圓禪師註處詳見
仙釋志沿壩有山亦名大帽爲邑東北盡境嶼之半有紫
雲菴

竹雲山在老虎踏石山上多竹翠色娟娟望之如雲故名

府志訛爲白雲山

芙蓉山在縣北八十里詳寺觀志

蓮石山在邑北距城八十里石峯孤聳狀如菡萏山質皆
石樹木蔭翳俱從石罅中怒生彷彿大小孤山之形前後
二石竇只可容身入其中廣半畝許有水一泓深不可測
石壁界之水注石底相通遊者多詫爲奇上有蓮峰小寺
一所

張公巖距蓮石山數十武山形如杯覆廣數畝從巖下石
竇入中空如堂有水一泓側有磴拾級而躋黝黑莫辨燃

炬照之得石樓一所倚壁有石橋一石繳一繳形半合傍則石筍無數偶拾一二出炬火驟黑置之火復燃亦異事也

洛陽嶂在承口江之北距縣九十里高數百仞綿亘紆迴嶂頂有神壇最爲靈應順治初年寇賊攻打洛陽寨寨幾危村人呼叫神顯跡徼循寨外萬馬奔騰旄纛蔽天寇望見遂遁去由嶂麓西南出盡于零都承口江北岸由西江墟南出盡于承口江南岸而小密營則爲會零交界地自小密西南出盡于會昌峽右承鄉貨財所殖三倍于湘

鄉自鄉至城俱陸路登峯入谷越陌度阡獨錯于零瑞兩縣間路皆平衍濶踈車馬可以聯鑣並轡而進居人走零瑞易至城難故俗謠云好箇承鄉不養會昌莊埠水頭充于高排諸堡雖皆承鄉所轄而中阻湘江其山脈發于兩坑礫左信豐右安遠先分縣龍一支走零都禾豐爲縣百里外關隘江廣閩三省通衢也其鄉山巖則有龍山在縣西北九十里

羊山距縣一百里亦與龍山支脈相聯絡

詳古蹟志

仁峰與羊山相埒界聯安遠峰頂平闊有石室石臺事張

類二神旁有竹一竿風來則偃而拂之臺室淨無纖塵石
泉甘芬飲之可愈疾

鐵山在邑城西九十里其山紆迴清麗上有古刹吉水羅
修撰洪先零都李中丞涑先後來遊邑人胡大徽父子相
與講學其中故刹常住山田周廻數十里皆胡氏所施者
乾坤巖在邑城西六十里許山巖皆黝色周圍壁立數十
仞下臨深谿無路可登獨出處石裂一罅上完下缺由此
而入崑深廣約四五丈梵刹皆石所覆鄉人以其地險遇
寇亂多保聚崑內故又呼爲乾坤寨邑人胡道問有記

金船峽即余侯峽在乾坤崑下隔江韓筒巖夾峙江流湍
溜相傳有余侯得神龜于此亡何龜亡侯亦卒墓峽旁立
廟祀之峽旁山古塚纍纍廟則久廢矣

塘坑磔有瀑布在莊埠高減東南掛瀾山瀑布之半一水
直下如垂白練水底之潭深不可測潭旁石菖蒲一寸不
止九節其質甚堅味甚甘辛

青雲山距縣八十里邑人胡習悅舊庄愛其山水秀媚軒
豁始建精舍肄業其間題其門曰兩水逢原歸一本三山
並峙擁中峰後招僧管理因名青雲菴僧徒漸衆乃再捐

賢建菴于山麓額曰宿雲

九僊巖在縣西北五十里

天門嶂在高排高蘭曉村三堡之間周廻三十餘里高十餘里距縣西南六十里四時蒼翠深冬積雪儼如玉屏爲縣龍正幹左矚與麻洲增坊棟東西遙對地理家稱爲日月夾脇特嶂下溪澗皆西南逆流入于安慈江以其居人聲音俗習與安遠相彷彿

獅子巖距縣九十里在白鵝村之右以其右巖齧踞蹲狀如獅子山頂碧草蒙茸亦宛如纓鬚腹可容數百人石壁

多靈芝禽獸之形皆雨氣漸漬漿液滲漏日久結成卽鐘乳也一徑窈窕螺旋深不可測土人束炬以入見石室數間光潔無塵而泉水澆澗有聲澌流不絕從巖後出不知其源何自來也村田千畝賴以灌溉巖北折爲

鍾公嶂其高千仞特拔羣山之表爲會雩交界地復轉而南盡于會昌峽左

附錄五峰

老辛峰塔

前明天改建蕭鳳儀有記

新辛峰塔

雍正丁未建

丙峰塔

康熙

戊子

巽峰塔

康熙初學改乾巽向生員李茂生觸力捐築高數十餘丈

丁峰塔

康熙甲子建

水

（戶部門）

湘水志載發源于長寧月畚山由來舊矣邑人明道宏親

步湘源云一發于長寧項山右麓龍溪一發島嶼張坑

洞與周畚為三而龍溪特遠以道里計之即貢水亦當以

龍溪為源而新樂山尚屬近支也作貢水源考按湘水自

發源歷聖姑石雞關石新人石廵檢石下至邑城三百三

十里府志所載里數皆陸路程也綿水從縣東北入相合流至西城門

外折而南越五橋復向西折而北則入十八灘矣吳湘泉

詩云城當二水北灘始五橋西其灘則有左右犁壁老虎

鰮黃鰮角魚名灘形似之潘岳笙賦鰮鰮參差註鰮鰮重

疊也上湘洪水叫石猪壯壩北洪下湘洪新開路礮鈎灘

猪牙玳江中有鰮魚壩高二丈濶六七丈頭大尾尖春夏

水漲旁灘俱平儼如一魚逆江水而上其形惟肖又過鷓

鴉石為下蘆口下洛灘合江潭而濂水會焉又下為官洲

壩剪刀鉸槍惶孺穿針眼白鵝灘出峽口則有黃鰮灘刁

嘴上橫灘白沙潭縣界至此一百八十里小下橫灘珠

洪墨斗窖金錢燕勒馬羊子灘車轉拗洪魚窩浪灘狗

脚恭喜石皆屬零都地矣孟浩然有云贛石三百里而會

石亦二百里鋒鏘銛利齒齒于江心水面左右手之間水
駛如箭皆穿石罅激關而出灑泚潑濂真有光播銀海亂
生花之致舟子握舵轉捩撐篙起碇不敢差尺寸否則舟
橫石上捫矢折矛險不可救然灘師熟悉者又如履平地
游行自在也故曰紙船鐵船工各山溪澗小水入于湘者
三十一入于綿而合于湘者四入于濂而合于湘者十有
四除石頭逕水流承口江合于雲都江水徐皆總匯于白
鵝灘而以會昌峽爲朝宗焉按山自大帽東西分支跨州
帶縣杳然不相顧矣至于

會昌峽始兩山對立左右壁聳萬仞懸岬石勢礧礧礧
飛騰反覆鼓舞相追如兔起鶻落如渴驥奔泉山包水而
外轉水絡谷而中下瀾發吏南綿發吏北瀾發西南始則
分于三縣中則匯于一峽古人云山由一本而萬殊水由
萬殊而歸一故山至此左顧右盼水至此殊途同歸恍然
于大塊文章雖一卷一勾其結構宏濶精密自然之中寓
有一定而不可勿之法故太史公徧遊天下名山大川歸
作史記雄傑千古良有以也詩曰群山萬壑赴荆門又曰
兩岸青山相對出孤帆一芹日邊來叙山水而至于會昌

峽不覺神遊其地。尙想古人描寫山水情狀，使人讀之而如親也。至于一縣扼塞，一詳形勢各卷無庸重衍矣

貢源出于湘水之南

九筭水以最遠者爲源。贛水之源有二：東貢西章。章遠而貢近，故經章而枝貢。貢水之源則有四：一出于項山之麓，由龍溪地爲平遠長寧界；一出于武平裊嶮張坑洞；一出于長寧周畚山；一出于汀州之新樂山。項山遠而新樂近，又當以項山所出之湘水爲貢水之經，而新樂爲枝雷。次宗云：雖十川均流，而此源最遠，故獨受名焉。言贛水之

出于聶都山也。而貢水之出于項山，亦猶是矣。貢水之有始于劉澄之，以贛字爲說，此從水之委以爲石也。而班固漢書止云湖漢水，註云水屬雩都。元訖水經因之，亦未考湖漢水出于某山，當是時瑞金會昌未建邑，故概言雩都。及唐拆雩都象湖，襲瑞金縣，而會昌地仍屬雩都。又界江廣邊微，雖有水，源誰從過而問焉？故後來溯貢源者，遂沿已建之而金而上之，以爲出于新樂山云。今攷會昌湘水發源三處：項山、坐遠于張坑、二十五里湘水三源而項山

昌志載發源于長寧

會昌縣志 卷五
犀畚未會遠溯項山耳

羊角水又屈流至筠門

逸上曾自
東北與瑞金

三百三十里新米山水流至古城至瑞金立達于會昌與
湘水合共二百二十里遠近差異則當以雷氏最遠獨受
之說爲據而貢源于湘湘源于項山龍溪明矣不得泥湖
漢之水先見于漢書竟以發于新樂山爲一定不易之源
不爲之詳考而訂正也或曰瑞金也亦有湖洋有羅漢巖
又鎮名象湖新樂之水逕歷之漢書湖漢水之名意者以
此數是亦一說也然未知前漢時即異有此名否千載渺

視非所詳矣

邑人胡道宏志

續輯山川

高羊嶺城南七十里中村高壓羣山左有高峰高百仞巖
尖似筆旁有筆架山前有硯池山山頂平衍且圓故名硯
池

狸狐嶂城南七十里中村嶂之頂有七湖各七星湖

循轎山城南八十里中村亭坑山形似轎右石窟建有觀

音閣

魚形灣灘城南七十里

獺形灘城南七十里洋
牛角山下灘城南七十

